

16. BONHOMME ET SERPENT

Alors un jour ti enen un bonhomme avec son bonne-femme qui ti rester dans grand bois, zotte ti toujours faire grand plantations manioc bananes, tous ca qui zotte ti capable plante, Zotte bitations ca meme zotte bourgeois. Un jour homme-femme tine grille un bon peu galette, i arrange dans un grand panier et mette deux trois lamain bananes gabou i dire bonhomme ou alle bord la mer alle vendre ca manioc ecque ca bananes achete poisson et un peu cafe amene deux feuilles tabac pou moi alle vite mon espere ou quatres heures pou moi grille mon cafe, acause demain, Dimanche mon pou alle la masse. Tonton i dire oui talere moi fini debithe ca, dans plus 4 heures mon arrive. Tonton i prend son panier lo un roche i pose un peu, i geutte dans cote li i voir un grand trou, i leve i alle guette dans ca trou i voir un gros serpent, i vire pou li aler, serpent i dire pas aller dire moi dans ca trou, i en a trois jours depuis mon la dans bonhomme i prens son p'tit couteau i alle coupe 2 boutte la corde lalainne i ajoutte ensemble i faire un las dans boutte i maille ca serpent jusqu'a dans son le rain, i prend l'autre boutte i ammare avec un gros pied canelle, apresent bonhomme i commence hisse hisse jusqu'a serpent i arrive a terre, ca lere la, tard pe faire, bonhomme i costeer au bord roche pou leve son panier serpent ti encore trop faible pou mange li, i dire donne moi deux galette ecque un la main bananes moi mange mon la faim trois jour mon pas mange, bonhomme i bien peur ca gros serpent i besoin donnez, serpent i faire un seul avale ine fini apres i dire avec bonhomme asise la au bord moi ou a console moi un peu jusqu'a moi capable ale, et donne moi encore 3 galettes mon encore la faim, bonhomme i dire mon pas pou capable mon bonne femme i a trop encolere, serpent i dire mon pas conne ou bonne femme, mon la faim, pauvre Tonton i besoin donez, serpent i dire qui mon la faim donne moi tous ca qui reste, i rentre dans panier li meme, l'heure i sorti i dire bonhomme la comme ca mon plus la faim, mon pas pour capable laisse ou aller ou alle mon pou mange ou. Bonhomme i dire mais avant ou mange moi nous besoin alle juge cotte sept z'animaux, serpent i dire oui, mais mon pas pour marche ou pou amene moi

lo ou le dos, qui ou a faire.

Tonton i prend ca gros la tete serpent i mette lo son epaule au bord son figure apeine si i ti capable marche un grand boutte li pieds pe traine a terre. Un ti lichien i voir zotte pe vini i mette la queu lo le dos ouap, ouap, ouap i alle dans la paille bonhomme i crille frere li chien espere moi i en a un z'affaire pour ou juge, lichien i dire ou a largue moi, ou envi faire moi gagne devore ec ca gros serpent, si oule cause la bas meme pas coster au bord moi, bonhomme i commence raconte, lichien i dire vivant ca, mange li, i amare moi dans la chaine tous la journee neuvs-heures du soir i donne un p'tit morceau mange pas ni assez pour moi, et mon besoin veille la cour tout la nuite sans un la paye, mange li, serpent i dire ou tende, un p'tit moment zotte joindre boeufs, plus mauvais encore, i dire mange li, i amare mon piti tous la journee, i tire tous mon di lait i vendre mange li meme, un ler zotte ine joindre six qualite z'animaux personne pas prend z'interet vivant tous i dire mange li meme bonhomme ine fini fatigüe. Tout ca z'affaire qui pe passe frere Soungoula i tende banne z'animaux i raconte li, Frere Soungoula i faire comme ci i pe alle la chasse avec son fusil hier habiller, un paquet livre en bas son le bras, quatres fountain pens dans son poche chemise, i passe loin la bas bonhomme i crille li Frere Soungoula espere mon un p'tit moment pou ou juge mon z'affaire, mon pas capable retarde mon voyage i proche 2 heures mon besoin alle juge grand la cour. Qui en a encore, bonhomme i commence raconte. Maitre Soungoula i dire mais ca miracle depuis mon la vie jamais du monde i deja amene un gros serpent vivant lo son le dos, mais qui maniere mon pour capable juge un z'affaire pareille, i passe la main dans son la tete, i guette un coup dans son montre qui i un boite mentholatum, quand meme i ti un peu peur i coste un peu plus presi dire avec ca serpent et raconte moi ou z'affaire et au serpent raconte moi pour ou, et degager aussi, comment serpent i commence raconte Maitre Soungoula i tape son fusil bamboo a terre i dire avec ca bonhomme ou pas ti connait serpent faidrait laisse li mort dans son trou, comment ou capable bete ou ti na pa l'ouvrage, i tappe encore un coup son fusils a terre serpent i trembler, i pa capable ale acause z'affaire pa ti encore fini Soungoula i dire sorti devant moi

desuite, si monla colere i monte encore mon pour touille ou avec mon fusil,
serpent i faire sec cotte i alle bonhomme i retourne chez li bien peur grand merci
Sougoula.